

Mr. Mike Eman: no ta acepta mas peso riba pueblo

AVP a reuni cu Camara di Comercio

Malgastamento di Gabinete Oduber tin Aruba strangula

ORANJESTAD(AAN)—

Miembronan di fraccion di AVP a cuminsa un serie di reunion cu partnernan social pa elabora riba e crisis cu Aruba ta aden. E fraccion di AVP den cuadro aki tambe a responde positivamente riba un invitacion di Camara di Comercio pa elabora riba factornan cu ta influencia y afecta desaroyo di Aruba.

E lider di AVP, mr. Mike Eman a splica cu e reunion tabata un fructifero y cu durante e encuentro fraccion di AVP a laga puntonan atras riba papel cu ta describi e posicion di AVP.

Den e notanan aki AVP ta splica cu e ta enfoca mas riba e "day-after" di Gabinete Oduber, pasobra no tin speransa mas riba un cambio ni reflexion di e gobierno aki. AVP ta preocupa cu IMF y tambe Banco Central ta pronostica crisisnan grandi, tanto financiero, economico como social hopi grandi y ta esey ta loke ta spera Aruba den caso di continuacion di Gabinete Oduber.

Esaki ta motibo pa partido AVP enfoca mas riba un vision y un team cu lo mester saca Aruba di e situacion cu e ta den awor.

E nota di AVP ta splica cu economia a draai pa un tempo largo fuertisimo, pero tin hopi no ta ripara mucho di e desaroyo aki ultimamente. Esaki pasobra e gastonan di costo di bida a subi enormemente (19.6% e ultimo 5 anjanan). No unicamente finanzas publico y economia

ta deteora, pero tambe nos ensenjanza, infraestructura, asistencia social y e estado fisico di nos pais. paga. Nos hubentud ta haya enseñansa den un sistema den cual pa añanan no a wordo inverti y nos camindanan ta congestionan. Empobrecimento di pueblo y Aruba ta visible tur caminda.

E causa di gran parti di e problemanan cu Aruba tin ta sinta cerca gobierno. Nos economia ta sobrebibi na rand net e mal maneho financiero, pero dor cu gobierno mester di tanto placa - cu e ta haya sea dor di sera prestamonan of ta cobra dor di hisa belasting, accijns, belasting riba importacion, primanan social y di seguro - un gran cantidad di hende tin mucho menos placa pa gasta cu antes. Esaki ta conduci atrobe na un inhusticia, haciendo e distancia entre pover y rico mas y mas grandi y ta afecta e economia di Aruba severamente.

Pakico gobierno mester di




tanto placa ? Na di prome lugar pasobra e gobierno aki a crea mas di 1500 puestonan innecesario den gobierno pa den mayoria caso yuda su propio hendenan. For di e cuatro presupuestonan di Gabinete Oduber a resulta cu e ultimo cuatro añanan 351

miyon extra a wordo gasta na tres post grandi: 122 miyon extra na salarionan, 175 miyon extra na "goederen en diensten", 54 miyon extra na e post « werkgeversbijdrage ». Riba dje gobierno ta sera un cantidad di dealnan dubioso cu tur sorto di

hendenan cu ta liga na partido di gobernacion. E aparato gubernamental ta wordo malamente maneha y problemanan no ta wordo resolve. Pesey mes cu no ta straño cu e confiansa den politica den general y den gobierno den particular a yega punto zero.

AWO TA HULANDA POR MAS!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



2 Pes. Baby Box di Palo

Antes Afl. 550,-

Awor Afl. 275,-

SPECIAL